



東里文集卷之十一

外題跋

跋赤壁圖

蘇文忠公以誠意直道事君而為李定舒亶之徒所
毀謫黃州賢人君子之心正大明白何往不自得矧
公文章譬諸景星慶雲隨所著見輝煥萬物向使公
不罹擯斥區區齊安山川風物有此光氣流於宇宙
間耶

題黃母劉傳後

晉屠岸賈之殺趙朔也將併殺其遺孤朔客公孫杵

曰程嬰謀曰立孤與死孰難嬰曰死易立孤難耳杵
曰遜其難者於嬰而自殺夫立孤古烈丈夫之所難
也觀蘇平仲傳永嘉黃母劉氏保孤事豈不尤難乎
哉蓋趙見禍於國之亂臣而黃見禍於家賊夫倉猝
莫夜變起房帷之內雖勇智士或不足禦况弱女婦
乎劉之志所謂可與日月爭光非耶劉沒今六十年
曾孫淮榮膺寵命追贈劉一品之貴殆天所以報劉
與司馬子長著趙客事炳炳無窮於天地間乎仲今
代子長也將劉之事暴白後世豈有窮哉豈有窮哉

東里恭題卷之十一

仁廟璽書錄本

洪熙改元四月之望

仁宗皇帝御奉天門召少師吏部尚書臣蹇義少傅
兵部尚書兼華蓋殿大學士臣楊士奇至榻前追論
監國時事獎與再四出圖書二以賜臣義得忠貞臣
士奇得貞一加 賜璽書極其眷待之厚夫臣之事
君克效其分寸者皆職分所當然而

明聖之心如造化於物一生意之不息何其盛德也
義和厚質實歷事

列聖練達而寬裕巋然 國家老成人宜無忝於斯

顧臣何人亦預濫被是以承命之日感激之私迫切心腑而慚悚之至莫措其躬曾不踰月

仁廟上賓每捧綸章血涕交隕今臣義祇事

皇上倚注眷待之隆比於

先朝駸駸有加上嘗閱其忠貞圖書推廣

先志特命範白金重刻以賜中外傳布歌詠盛美蓋孔子嘗論孟莊子之孝曰其他可能其不改父之臣與父之政為難能彼特列國大夫耳今

明天子實躬行之又何其盛德也非臣義千載之遭遇乎君子承其遇又思信其道先儒謂盡已為忠正

固為貞夫為臣之忠莫大於陳善而非依隨之謂矣貞莫大於格君而非苟且之謂矣君子於道必有終身之志焉臣義別錄璽書為副間屬臣識之臣嘗陪義同為官臣所以長益臣者多矣故不敢不以君子之道為復臣雖孱弱尚願自勵以從其後焉

題安福戴氏所藏先世告身後

孟子論王政曰老吾老以及人之老謂推其愛親之心以愛人之親也四牡之詩曰不遑將父曰不遑將母曰將母來諗先王推已及臣如此所以得人心之深者歟三代而下至宋歲致禮祖考必覃恩羣臣而

并及其祖考庶幾猶有先王忠厚之澤也安成戴氏
藏其先世所受宋封贈父母告身三通其一宣和二
年六月所授其一建炎三年九月所授其一紹興二
年十一月所授至今覽之足以歆動人心然建紹之
主有不能自致愛親之心者由柄用小人之過大易
所以戒小人勿用也戴氏先世在宋受誥勅尚多數
更兵燹獨存此三通後二通亦不完然其子孫數百
年什餘如拱壁戴氏子孫於愛重其親無忝矣

書復立宗忠簡公墓碑卷後

為政在使民知為善而已而非有以勸之民或不知

為之也故尊德禮賢表孝友褒忠節皆勸民之務也
宋宗忠簡公其孤忠大節所謂皦然可與日月爭光
者而竟以譖幽憤死蓋天下後世所共仰慕而悼惜
之者也然葬於潤無三百年已莽然荒烟衰草之墟
樵牧往來行道不吊此豈潤之人其心獨有異哉公
嘗仕於此居於此至感慕德義吾意潤之人必有深
於天下後世之人者何為獨漠然若是也非由為政
者不達勸民之道雖有公之賢不知敬禮而致民之
然歟今六七年前金華劉侯伯靜以監察御史出守
是邦一新政教脩舉百廢乃復葺公之祠及治其墳

塋又經紀其祠田命佛氏之徒董祀事而躬率博士弟子展禮墓下又刻石墓道使過者皆知爲宋忠臣宗公之墓於是潤之人始知有忠簡公又知爲善者之久而不泯而在已不可不勉於善也劉侯爲政可謂知所務矣去年與侯同在史館爲余道其事今侯去潤而佐江右大藩自昔江右孤忠大節如忠簡公尤多而江右之人固不爲潤之人之漠然也將侯所以加勸之者尚能拳拳如治潤之時乎

宋書宋謝少連贈官誥後

建寧府照磨臨江謝良翰出示所藏先世宋嘉祐二

年贈官誥勅一通蓋良翰十三世祖堪時以尚書員外郎通判衡州用郊祀恩贈其父少連殿中丞者也堪天聖八年進士與歐陽文忠石守道皆同年友終殿中侍御史其歷官頗多而所受誥勅蓋屢歷世變獨存此耳其書員外郎知制誥絳者謝希深也學士中書舍人偉者楊子奇大年弟也崇文院檢討公著者呂正獻也獨吳奎書姓當時臣僚於衙下但書名名有同者則書姓以別之蓋自丁度盛度始此誥至今三百七十有四年完好如新亦可以見謝氏後世之賢敬識而歸之

石鼓文後

右石鼓文什元國子司業潘迪考訂音訓刊附于後
在今北京國子監士大夫北京來者多得之以見贈
此本得於胡學士光大紙墨獨佳此刻鄭夾滌定為
秦篆歐陽公集古錄疑此文自宣王共和至宋嘉祐
千九百年且文細刻淺理不應得存又疑其自漢以
來博古好奇之士皆畧而不道余謂石鼓文決非秦
漢以下之人所能所謂文細刻淺者安知當時不深
刻歷世久遠則磨滅如此而今文字之存者計裁三
之一耳其中不可辨識者又三之一則亦久遠之驗

也荒郊野草之中古物委棄何限如其金玉之類雖
殘毀不完苟遇之即庸人小子皆知而取之矣為石
雖有文字苟不遇好古博雅之士則不為世所知而
不見稱道固其理也且三代鍾鼎貞彝之屬前未嘗
見稱於世而後來田夫牧子往往出之荒野埋沒之
中者代有之矣何獨致疑於石鼓哉

漢魯相置孔子廟卒史碑

右漢魯相置孔子廟卒史碑順帝時所立在
曲阜余得之陳思孝掌禮器卒史又選四十以上經
通一藝雜試能奉弘先聖之禮為宗所歸者見古人

慎重如此也

華山廟碑

右華山廟碑得之子啟學士漢碑之佳者蓋郭香書漢魏以前碑多不載書刻人氏名此獨詳焉遂因之有聞於今自古賢德君子泯沒無聞於後者何限而有聞無聞亦何足計哉若李德裕位至宰相猶區區附名其顛欲託不朽歐陽公所以譏其近愚也

夏承碑

右漢淳于長夏承碑無書人氏名中書舍人陳登思孝定為蔡伯喈書字畫特奇古蓋用篆筆也歐陽公

集古錄無之趙明誠金石錄云元祐中洛州因治河得此碑於土壤中刻畫完好如新是宜歐公之未得也而近歲廣平府民又因治河得此碑廣平古洛地蓋不知元祐之後又何時而埋沒也今視漢他碑尚完好物以晦而全固理之常也此帖余得於鄒侍講

孔子廟學記

右孔子廟學記古隸書碑盛行於今者尊號受禪及孔子廟學記三碑皆魏人書而尊號受禪世謂出鍾繇梁鵠竟未有遺說惟廟學宋人以為鵠書亦非碑所載蓋漢魏以前士人多能書不為異也故鮮有著

其氏名者後世能書者鮮故必著氏名以自表然凡一代之書必相彷彿論古書之體者考其時代可矣何必拘拘出某人哉

吳段石岡紀功德碣

右吳孫皓天璽元年段石岡紀功德碣八分書相傳出皇象極高古而其文缺壞不可見者已三之一蓋宋元祐中此碣已斷為三在天禧寺門外時轉運副使胡宗師徙置漕臺今在應天府學又不知何時所徙也考吳志天冊元年吳郡言掘地得銀上有年月字遂改明年為天璽元年是年鄱陽言歷陽山石文

理成二十字云楚九州渚吳九州都揚州士作天子四世治太平始又吳興陽羨山有石室之瑞又改明年元為天紀以協石文此碑不見於志考其文有天發神讖等語則亦當時瑞應之事然天紀四年王濬遂入吳矣

告秦華府君文

右唐補闕韓賞告秦華府君文韓擇木書賞所以盟於神者嚴矣士夫君子立志操節薦於內而已豈必盟神然後固哉必俟盟於神者蓋由其內之不足也

千文

右智永千文刻石在西安府學吾平生所得頗多皆為親友持去獨此本紙墨尤勝遂為家寶得之江夏宋鑒惟憲蓋宋大觀三年所刻永嘗書八百本歐陽文忠公集古金石刻文所得永千文疑其筆法不類者二百六十餘字意是後人所補遂去之此刻出於公沒後數十年使其見之當不實疑也千文所始蓋梁武帝令殷鐵石於羲之書中搨一千字不重者命周興嗣次為韻語以教諸王前志所載如此歐陽公因見法帖有漢章帝書海鹹河淡百餘字遂以前世已有不始於羲之劉後村之說亦然余謂此百餘字

亦出梁以來好事者所集不然自漢至梁其間能書多矣何以都不聞有一人見之於書而獨章帝拔

又

近見東觀餘論載米芾黃伯思所論然後益自信余說之非謬

化度寺碑

世謂善書者各得古人之一體虞永興得之東方畫贊歐陽率更得之樂毅論余謂此其初基之異耳至造極其妙隨意變態曷嘗局於一體如逸少黃庭樂毅畫贊未嘗同也故歐陽醴泉皇甫化度其結體各

異或莊或逸獨化度最為得中然亦惜其石刻於今
最為缺壞也石刻在西安府學

又

歐陽率更化度帖最宜學書者師法惜今漫滅不可
識者幾半矣鄒汝舟庶子見惠此本蓋後來杭州明
慶寺所翻刻者紙墨頗佳余去其所不可識而采其
可識者本之以為學書者之便

皇甫君碑

隋光祿大夫皇甫君碑唐于志寧文歐陽詢書骨氣
勁峭法度嚴整論者謂虞得晉之飄逸歐得晉之規

矩觀此其振發動盪獨非逸哉非所謂不踰矩者乎
初學者師此以立本而後入虞入永入鍾王有所持
循而成功不難也吾家此本亦得之胡源潔給事云

又

右皇甫君碑余得之陝西憲僉門秦泰蜀人故禮部
尚書門克新從子與相姪同為太學生交厚故數往
還余家此帖比常所得者亦優

孔子廟堂碑

論者率愛世南書飄逸醞藉然其從容規矩準繩之
中學者須心得也此帖余得之宋鑒惟憲

昭仁寺碑

唐昭仁寺碑余得之行人常熟劉紹碑朱子奢撰文而無書人氏名觀其結構規模近虞世南而筆法不逮遠甚豈當時學虞而未至者乎張重威以為虞少時所書然歐陽公集古錄甚愛此碑亦不定其為何人書也

題黃主簿告身後

右宋石城縣主簿黃公士隆初登第授官告身一通其六世孫乳源縣學教諭理用之所歲也先高祖妣弘農郡君主簿公之子故理用出此誥屬士奇識之

按公登淳祐七年張淵微榜進士時穆陵數下詔取士崇惇實戒浮靡前年五月又詔監學及諸路郡學以秋闈在廷宜精考較以得實才七年三月命吳潛知貢舉御筆付潛俾崇雅黜浮六月賜淵微等五百廿七人及第出身時自春夏以來不雨淵微等上言乞免瓊林宴詔從之時論稱焉是年四月鄭清之再入政府為太傅右丞相兼樞密使進越國公趙葵為樞密使兼叅知政事督視江淮京西湖北軍馬王伯大為端明殿學士僉書樞密院事兼權叅知政事七月以別之傑為叅知政事趙汝騰自起居郎待講遷

吏部侍郎蓋在五月以後謝方焯先繇權刑部侍郎
兼權給事中趙與憲繇兼吏部尚書遂為真兼戶部
尚書是年十二月又遷端明殿學士提領戶部財用
與憲嘗為京尹逐太學游士以媚時宰又急於財利
躬為聚斂之臣小人不足言別之傑亦無所可取謝
方焯始有聲臺諫至執政不能有為晚更困於權臣
至喪其所守若伯大直諒之節汝騰方正不撓葵忠
君衛國之誠愈老愈壯謂非光明俊偉君子人歟清
之端平中為相慨然以天下為己任引用正人真德
秀魏了翁十數輩時號小元祐庶幾君子矣然至是

再相衰老不任政歸私門為世所少焉此皆譜內所
列政事之臣其除拜及為人大槩有可考者因併志
之後百五十有九年為皇明永樂二年四月八日志

題戴氏所藏先賢遺墨後

誠齋先生父子宋名賢而余族祖也圭齋先生元名
賢余曾祖同年友也今拜觀此卷於安福戴誠問所
不勝先代之敬及誦東山先生難進甚偉薦牘弗用
之語以觀誠問今日決去之意蓋故家流風尚未泯
也又為戴氏起敬焉誠問將遠別故識而歸之

跋宋吏部侍郎龔公墓志銘後

右宋禮部郎官吾郡中齋先生鄧公所撰吏部侍郎
南昌竹鄉先生龔公墓志銘一通進士曾先之以下
九人作爲輓詩廿七首附錄在後皆當時手筆竹鄉
七世孫今兵科給事中鏗之所藏也間以求題夫人
有譽於當世非難有譽身後爲難蓋是非邪正沒世
而後定也竹鄉累官大理卿至吏部侍郎兼侍講宋
亡以疾終于家此銘序述歷官行事忠槩義節與先
之諸君子輓詩所稱如出一口此豈聲音笑貌之所
能爲哉自漢唐以來惟宋待士爲厚其亡也亦惟宋
之士能盡節以無負國家爲多文丞相李潭州表然

者也竹鄉當此時獲知於二公或相推薦或相結約
國亡即不屈以無愧二公世言惟豪傑知豪傑豈不
然乎中齋時以朝散郎權禮部郎官兼學士院權直
宋亡艱難百出亦全忠以沒夫竹鄉一世交游何限
而身後之筆其子孫不以十餘年之久必有待於中
齋豈非謂舍是則不足昭遠信後哉此卷至今百一
十有餘年數歷兵燹完好如新又非竹鄉後世之賢
不能鏗起家科第官侍近端重溫雅謹謹自持若恐
墜其世德者傳曰子孫保之吾又於竹鄉後世見之矣
書歐陽臨淄傳後

歐陽日新先生西昌前輩巨擘也士奇生晚不及識
獨記卯角時聞於族姻老長道先生事為教其至今
不忘者曰先生十餘歲從學陳海樂于清節書院凝
然羣居中讀書作字心不外馳諸生以弄事百方挑
之未嘗一顧暮歸挾書冊獨行道間步履徐徐貌如
有所思者道傍觀者嘖嘖指以語其子弟曰若曷為
不然哉稍長日以所業就吾家質望之平洲諸老先
生天分絕出諸老皆樂為之傾寫每至未嘗以事廢
講論率抵暮或夜盡二燭始送出康山長宗武汲汲
以成後學為事延先生家塾命諸子從之學而親與

先生相講說磨切於是先生所造詣沛然矣一時儕
輩有志於學者率就先生質所業至正丙申江西行
省以鄉舉選士吾州舉劉子高及先生楊氏諸老及
康山長餞之快閣之上時劉先生聲名已勃勃出江
右望之曰二賢皆得薦而日新當前列既別山長竊
嘆曰惜哉日新所稟甚清然不若子高異時遠到也
後所云皆中 天兵初下江西吳去疾為吾州稱先
生為第一流人首薦諸朝吾州之士仕

天朝自先生始士奇十二三習為舉子程文先伯吏
部公愛而教之數曰使汝得歐陽日新為師一第俯

首取無難者自是日訪求先生之文而讀之蓋數歷
兵亂不可得僅得其所試中詩經義及序記書辭數
篇其論議根據精彩發越反覆誦詠使人有手舞足
蹈之意此士竒所爲恨生晚不得從問道執業之末
然是時抱生晚之恨者豈獨士竒也此傳載歷官行
事頗詳輒附余所聞一二事于後庶幾小補之云

恭題

賜都御史虞謙蘭亭墨本後

右唐褚遂良所臨王羲之蘭亭禊帖永樂八年

上在春宮得墨本命工刻之石時大臣及近臣侍監
國者各賜摹本得者裁六七八人非恭慎端厚有文學

者不預蓋貴重之也此本都察院右副都御史虞謙
所被賜者間出屬臣士竒識于後臣侍
上最久蓋嘗竊聞賜帖之旨非獨矜重法書要在獎
勸其人焉謙初爲大理少卿

上嘉其儒雅且明正寬厚志存澤物有大臣體特奏
太宗皇帝以爲右副都御史無幾又命署刑部尚書
而諭之曰余知卿無忝也既嗣大統廷臣雖有進官
者然悉兼舊職獨以大理平天下刑獄非謙不可遂
改大理卿謙感知遇之厚孜孜盡心若宋歐陽觀所
爲求生道於死獄者謙蓋有焉凡人之屢于辟者往

往心誠服之而無憾今九重惓惓夙夜圖惟好生之德洽于民也謙亦圖惟厥終用永彰

皇上知人之明而不忝明良千載之遇則家藏此帖固子孫萬世之寶嗚呼尚敬之哉

恭題崇恩堂卷後

右魯王殿下為衍聖公孔彥播大書崇恩堂三字又備書

仁宗皇帝臨御時所以寵待彥縉者于後彥縉今以示臣士竒於是鼎湖之龍御遠矣拜跪莊誦不勝血涕之橫流也臣士竒祗事

仁宗皇帝於春宮二十年既嗣大位又擢實於左右往年侍監國南京彥縉歲一來朝所以宴勞錫予之必厚將歸必命廷臣往餞之蓋所從來如此非始於臨御之時也而凡孔氏之後以名上者率親擢清華之職且厚遇之亦非獨於彥縉然也間嘗諭臣士竒曰國家於庶士有能佩服孔子之道者猶重其祿位厚其禮遇矧於孔子之後乎又曰在漢唐宋孔子之後往往有聞於史冊今而後必將有繼昔而起者乎嗚呼聖明惓惓崇儒術重先師之意如此可為千歲一遇者矣於是臣之所親得於見聞者謹附志

卷末庶彥縉暨凡孔氏之後尚圖不忘而益勵哉

漢桂陽太守周府君功勳碑

右漢桂陽太守周府君功勳碑漢熹平二年建唐太和三年重刻字雖剝蝕其可辨識處渾然漢意固在也此碑今在韶州府治先師海乘陳先生志其本末甚詳余在南京求此碑久未得永樂己亥子啟學士扈從在北京見寄此本乃知物常出於所聚初不係其地之遠近也

清節書院記

元季書院燬于兵此碑幸存士郁之子樸慮不能免

樸之所居之後且秘不言歷五十餘歲樸已死遂無知者永樂癸巳樸之子家人皆病疫覘者居後有寶物不當久閤指示其地令出之則此碑也已而病者悉瘥亦靈異哉碑缺一角則當時發地者所損時余在京今翰林脩誤陳德遵讀書邑庠亟以書求之得二本以一分黃學士宗豫一表而藏之於家此吾西昌先代盛德事而歐陽楚公斯文實因先叔初平洲先生得之王至剛所題碑陰又先師海乘先生所書宜在所寶也永樂戊戌六月三日

題范危墨跡後

虞范揭楊皆於先曾祖有交好余猶及見先世所藏諸公往還書牘危公與先祖兄弟同游吳文正公之門徃年在南京周恂如扈從北來得危公所作輓先曾祖七言唐律一章見貽雖片紙而出親筆已演飾寘家乘中恂如言此出公全集其集已散落張姓豫得之最多時并豫邑卒書籍悉歸永新不及得見也余來北京喜求故元時遺墨斷聞徃徃有得最初得危公詩文五十七首於太醫院判將用文所蓋與所得先公輓詩同出一集後得范公雜文十七首於民間皆出二公親筆遂裝為一卷范前輩故列於首嘗

聞范所著有熨然稿東方稿海康稿江夏稿候官稿百文稿此必出熨然或東方稿危所著有雲林集說學齋集余及見雲林集此或出說學齋未可知也前輩作文章率自貴重既成皆親錄遺後余見揭公詩文數集及危公雲林集皆親書刊刻不獨余之所得也余所寶此非獨重其文章字畫蓋尤重先世之交若二公行事具見吳文正公宋學士所作墓志非後生小子所得置喙也

跋松雪書鄧文原文

文肅當時自有能書名文敏此書尤為得意有翩翩

鷓鴣雲海之勢但學書者當沂其上求之可也

跋唐誥

右唐弘文生鄧自勉授行德州平原縣尉告身一通
開元廿四年所給唐選法試而銓銓而注注而唱集
衆告之然後類爲甲上于僕射乃上門下省給事中
讀之侍郎省之侍中審之不當者駁下既審乃上聞
主者受旨奉行各給以符謂之告身此不云僕射者
開元中改僕射爲丞相也弘文館隸門下省生凡三
十人時試人以禮記春秋左傳爲大經詩周禮儀禮
爲中經易書春秋公穀二傳爲小經其試弘文生

大經一小經或二中經或史記前後漢書三國志各
一或時務策五而經史皆試策也此名嵩者蕭瑀從
曾孫嵩者淮安王神通玄孫豫者席豫寬者裴灌從
弟景融陸象先弟及韋恒裴耀卿苗晉卿唐書皆有
傳有可稱惟陳希烈在姦臣傳其擬官廿二人無所
考世所傳盛唐詩人有常建亦未知是否此告書者
及署名筆意皆佳今七百年完整如新余得之前泰
和令吳楚遂考而識之

書胡氏先世二記後

翰林編脩蕭鎡以其妻之弟胡重宣過余且出胡之

先世所得楊文節公作福榮堂記滕學士作後榮堂
記余受而閱之爲之歎曰故家世族文獻足徵若此
者鮮矣吾於此有可頌者焉有可敬者焉宋光宗因
慶其親而覃恩於天下之爲親者鄒孟氏所謂老吾
老以及人之老此可頌也胡氏自金陵徙吉而析爲
三伯居廬陵之值夏忠簡公銓其後也仲居泰和之
南岡慶曆進士朝奉大夫衍其後也季居泰和之黃
漕南城縣丞箋其後也凡族之著者必分分則盛衰
愚良必不能齊胡氏三族其詩書相映衣冠不乏此
可敬也文節之記爲南城作於今二百四十有六年

滕公之記爲南城之後南村作於今百十有六年南
城之後有徙社溪者矣而子孫至今寶斯文不失又
可敬也然有可慨者焉徙社溪四世至文可號可山
南村之父也文丞相禮爲上賓從勤王至海上及元
盡得宋天下可山季弟號靜山者誓不負宋竟以不
屈被殺余童子時鄉人長老率能道其事歷歷然在
元時諱言之故家譜不書郡志不紀史亦無錄卒不
白於世嗟夫豈非无可敬而重可慨乎謹附見其事
於二記之後韓退之云無亦使其無傳焉

年從克濠州又從戰敗賈魯父兄並以功授萬戶甲午從張天佑克五河泗州盱眙又並進總管乙未從上克和州渡江下采石太平總管邵榮等潛有異謀國興察知以聞榮等伏誅從克溧陽進攻南臺國興戰沒命公肅兄職丙申從攻陳也先水寨克之遂從克南臺公父陞廣德元帥丁酉隨廣德公克宣州還改廣德公天寧翼元帥以老留建康公從鄧愈克徽州受功賞戊戌召入侍衛己亥肅天寧翼元帥庚子調征饒州及江西諸郡以次平賜緜衣文綺命充統兵官平諸山寨洪武元年克建寧遂留守禦新定官

制實授武德將軍建寧衛正千戶四年陞懷遠將軍建寧都指揮使司都指揮同知冬召還陞江西都指揮使九年調大同授龍虎將軍十一年調陝西所至治兵撫民不嚴而肅十二年掌涼州衛十三年逐北虜至白城獲其人馬甚衆十五年父病詔公還侍又三年父沒既襄事復填涼州虜時數為邊患公率兵討之追至亦集乃之地斬其堯渠也速兒監等及其衆無算餘悉生繫送京師又招降虜偽國公吳把都等萬八千人而送其酋長工不答兒等百五十人詣京師簡其壯者傅卒伍餘悉處之善地俾耕牧自便

驛召公還京獎諭再四賜賚甚厚復填涼州十九年
召還陞驃騎將軍右軍都督府都督僉事賜鈔文綺
以其官贈其三代仍填涼州廿三年夏遣中使就賜
白金及鈔至秋復三遣賜鈔文綺授制諭充總兵官
征哈密里破之哈密者去肅州千餘里虜所城也誅
其僞王子別列怯等三十餘人獲虜衆千三百人及
金印一銀印二悉送京師所獲馬牛羊咸給將士二
十五年復充總兵官征罕東西番叛寇誅禽七千五
百餘人獲馬二千五百牛羊十萬遂還京師二十七
年調中軍都督府是歲虜寇遼東命充副總兵率兵

討之遇戰腦溫江獲虜衆千餘馬倍之明年廣西峒
隙諸寨連結為亂命充右副總兵往征之誅禽七千
餘人賊平還京又明年總羽林八衛兵往平五開龍
里十三洞之寇三十一年率師城萬全諸衛歸二年
出填甘肅

太宗皇帝初臨御公朝京師陞後軍都督府左都督
永樂元年授平羌將軍充總兵官仍填甘肅三年虜
日益聚近邊公遣人諭以朝廷德意其酋長把都
帖木兒倫篤兒灰率部衆五千馬駝萬六千來歸邊
境底寧事聞賜勅獎諭命都督徐膺緒尚書趙珩

持節即軍中封西寧侯賜推誠輔運宣忠效力武臣
柱國仍後軍都督府左都督食祿千二百石加賜田
若干頃又二年以疾終享年若干公曾祖某贈某官
妣某氏贈某官夫人祖一公及考皆再贈某官祖妣
朱氏妣陳氏皆再贈某官夫人公之配丁氏許氏皆
封西寧侯夫人子男幾某某瑄府軍右衛指揮使先
公卒琥駙馬都尉尚安成公主瑛駙馬都尉尚成寧
公主永樂中琥齎西寧侯

仁宗皇帝嗣位琥坐事改命瑛齎西寧侯孫男幾某
某傑金吾左衛指揮使偉羽林左衛指揮同知俊天
策衛指揮僉事儼旗手衛正千戶佐龍驤衛正千戶
嗚呼公勲著 國家貴聯戚里慶澤被于後嗣名聲
施于無窮固本於際遇 聖明千載之幸會亦必其
忠義之行閱遠之材克勤始終有以迓承之矣故既
述其事於碑又系之銘曰

天建

皇明龍興淮土魁智傑能如雲從附定遠密比猶漢
沛豐父兄偕來有偉宋公義旗所嚮仗劍先驅神武
不殺迎降懽呼長江飛渡金陵定鼎分命股肱出綏
四境于宣于歛于番于閩公從總戎聲威日振甌寧

既靖公留奠之進奠藩垣大江之西雲中在左分陝
在右公來填撫煌煌旌棨虜窺西陲公往過之斬繫
其渠招懷其餘繫胡遼陽雜孽鎔表如燎滅枯如鐵
摧朽馬跡所歷幾周四遐桓桓之志無康于家
文皇臨御親任舊老自西來朝蒼顏白首

天子曰嘻卿宜在廷紓予西顧孰乎愈卿公曰臣職
及臣未衰西人忻忻迓公復來鞠躬盡瘁遑敢怠寧
邊人恃公屹然長城宣

上德恩洽于遐外耄倪畢歸如川赴海

天子曰嘻維時茂勳崇爵豐祿予慰乃勤維公遭際
寔多父兄偉績賢稱晚而益閔存沒榮哀歸從先兆
來世莫京繇公所肇墓道有石其崇九尺太史述銘
永耀無極

故懷遠將軍成都右衛指揮同知贈平江伯陳

公神道碑銘

公諱聞字伯益姓陳氏其先潁川人公之祖諱三省
徙廬州合肥遂為合肥人考諱重一考以上三世皆
不仕當元之季四方寇亂蓬起公素有志操強膂力
善騎射遂倡義募勇保障其鄉

太祖皇帝龍興歲乙未渡江公知天命有在率眾來

歸從王師下江東郡縣授帳前右元帥府總管進取
宣歙衢婺隸大將軍麾下征陳友諒大戰鄱陽友諒
死從定漢沔荆襄諸郡從征張士誠及方國珍浙東
西次第平公臨陣對敵神閒意定矢石交下而勇敢
益奮間被傷最創復戰故所嚮有功實授管軍百戶
進副千戶守荊州主帥以公勇毅有謀與兵五百人
令守歸州時蜀未附而歸與夔重慶接壤日見侵攸
公至歸視其城隳阨且非可以用武乃擇地距城二
十里楚臺故址建千戶所治高城深隍繕兵甲練士
卒實倉廩悉足用蜀人以舟師來攻公預清野待之

而以老弱嬰城固守授之方畧躬率精銳伏緣江要
害處敵薄城下守備堅不可攻又野掠無所得歛而
還舟伏兵突起斬馘不可勝計敵大敗引去自是無
一足犯境進武德將軍正千戶在歸州八年民用宴
然洪武九年調德安千戶所治兵保民一如歸州十
一年進武節將軍遂陞明威將軍成都前衛指揮僉
事討龍馬槽梁諸寨之未附者悉下之王師征雲南
公率兵以從所嚮克捷繼討西番及烏撒散毛諸峒
之寇斬俘招徠威懷並施陞懷遠將軍成都右衛指
揮同知賜誥命功賞二十四年以老疾致事于瑄罷

職公享祿養二十有餘年永樂甲午九月疾作時瑄
奉朝命在外公疾革頽其孫儼等曰吾少遭兵亂
幸際龍興之運致有祿位以延被嗣人今老且死
無所憾但念未有以報國恩為我語汝父勉敬事
朝廷務忠為孝即吾死瞑目矣言既而卒是月己丑
日也享年八十有三以瑄貴制贈公之祖若考及
公皆為平江伯祖妣孫妣朱及公之配皆為夫人公
配初太原王氏繼同安王氏望江縣尹思齊之女游
慎有儀克配君子前公三十年卒子男二長瑄自指
揮同知累官都督僉事

太宗皇帝靖內難有翼戴功封奉天翊運宣力武臣
特進榮祿大夫柱國平江伯竭謀致慮一心國事寔
然於今老成人其有以成公之志矣次瑤女一歸甘
州後衛指揮同知李永孫男八位儼儀倫侃信俊傑
女三長歸李方次歸江陰衛指揮同知張英次未行
曾孫男若干瑄以公卒之歲十一月庚申奉塋合淝
神龍鄉蜀山之原先塋之次銘曰
有元失馭海內鼎沸天命

真人龍飛淮涖龍興雲從矧時邦鄰公趨來歸弗謀
弗詢西征東討以弔以伐公挺材武從罔弗獲從守

南郡遂守秭歸密邇勅敵慄乎阡危殫厥智慮靡朝
靡夕相土徙宅崇垣固壁練弱為疆實虛以盈敵至
就斃猶湯沃冰坐填八年境肅民富進秩褒功改命
邛土奕奕梁藩簡陟衛僉翦梗懷服夷類乃慰南詔
西羗暨于峒獠斬俘招徠籌功多有龍章斯下寵賚
游須止足之志未老歸閒恬澹怡愉既躋耆壽易箠
有言允泐厥後顯顯後人偉績與名公訓所成公沒
其寧廉性有石壘焉墓道述行琢銘來裔是告

故文淵閣大學士兼左春坊大學士贈榮祿大
夫少師禮部尚書謚文穆胡公神道碑銘

太宗皇帝御天下二十有三年文武之臣各展其才
能達諸事功若竭誠效力始終不渝者其身雖沒所
以寵眷之率有進而不衰其文臣遭遇之盛者文淵
閣大學士兼左春坊大學士胡公尤著者也公初以
進士第一為翰林脩撰階承直郎又明年

太宗皇帝入正大統陞侍講踰月改侍讀進承德郎
永樂二年陞右春坊右庶子階奉議大夫仍兼侍讀
四年進翰林學士兼左春坊大學士階奉政大夫進
文淵閣大學士仍兼左春坊大學士又三年得疾且
劇

上數命大醫集衆醫之良者往視日遣中使問疾既卒上悼歎不已命工部具棺禮部賜祭者再贈資善大夫禮部尚書謚文穆國朝文臣有謚自太子少師姚公廣孝與公始也又命官給舟還其喪命有司治祠墳時

仁宗皇帝監國南京公之喪過焉遣官臨祭賜賻甚厚葬畢其子入謝官其長子種為翰林檢討

仁宗既嗣位追念公舊人加贈榮祿大夫少師禮部尚書遣官諭祭且厚賜其家公遭逢

二聖恩備始終何其愈久而愈盛也公居官敬慎在

上前承顧問應對必盡誠必據理而忠厚為本未嘗及人過失事於奉旨制勅視草即有所見必具可否以聞多見采納所誤進文字

上知出公筆輒稱善所奏對語及所治幾務退未嘗出口雖親厚不敢私涉有問蓋自守之嚴有素事

太宗皇帝十有七年凡述幸北京親征北虜翰林率公與楊公勉仁金公幼孜在扈從信任甚篤禮部郎中周訥建請封禪羣臣亦多言此太平盛事

上皆不聽時獨公之言與

上意合既退作却封禪頌奏之丁母憂召還

上問百姓安否對曰安但郡縣窮治姦惡外親為民
屬遽詔罷之其兼春坊也小心盡誠多所裨益故尤
為儲君所厚而沈靜謙約以滿為戒未嘗干人以
私人亦無敢以私干之兩考京畿鄉試四為廷試讀
卷鑒別公明奉勅脩武幸北平錄及五經四書性理大全書皆為總裁志
於扶植名教獎掖善類果於義事於利不苟取與未
嘗一比匪人所與交必輔之於善不善去之不復顧
小人有不滿公者屢造言毀之賴育而具上深知之不聽遽黜毀者而公自執愈堅意度蕭散

雖身處榮祿未嘗一日忘山林幽澹閒遠之趣公退
閉戶讀書賦詩而已初名廣廷試傳臚更名靖永樂
初復舊名其字光大其齋居名是庵因以為號公十
數歲喪父已有志問學內浸漬其母訓外則日受從
祖子貞先生之教故德器不凡居家篤倫誼處鄉曲
恂恂執恭讓既冠薄遊閩中閩之前輩君子率忘年
與交歸而從黃伯器先生講論得所歸宿之地而日
進焉其學博究經史百氏下逮醫卜老釋之說亦皆
旁通而用志性命道德之旨晚益有造詣為文援筆
立就頃刻千百言沛然行雲流水之勢賦詩取適其

性情近體得盛唐之趣工書法行草之妙獨步當世
四方重其文翰求者日接踵戶外雖無厭倦意然非
其人不苟予其卒以永樂戊戌五月八日春秋四十
有九其先自金陵徙廬陵宋忠簡公銓其十二世祖
也曾祖鼎亨祖彌高父子祺累官延平知府母吳元
進士永豐縣丞師尹之子永樂中贈公父翰林學士
封母太宜人公娶夏初封宜人洪熙初進封夫人子
男三長即種次穆次穗女四長嫁陳年次嫁解禎亮
次嫁宋懷孫男六女七所著文章有是庵集扈從集
若干卷公與士奇同郡同官知契最深未卒前二年

有後死則銘之約既卒其孤又奉臨終之命索文刻
墓石嗚呼士奇先公生五年豈謂竟銘公墓哉蓋今
九年乃克成之銘曰

經國所資文武並施維武以靖維文以治魏魏

太宗統御九有任武暨文如左右手公職詞垣十有

九禩秉恭執勤司

帝之制玉冊金簡天章龍文光華日星敷宣

帝仁萬幾燕閒清問前席公所入告惟

帝時懌公所蓄志寬惠被下沕穆泯焉密贊鴻化

春宮輔德平直之行

二聖惟明燭鑒公誠好文之朝儒林之首人聳其瞻
公眎無有泊虛之存簡肅之度彼其何心有好有惡
仲尼有言善者好之善有好公沒思不衰寵章駢蕃
賁終猶始始終之全曠代其幾金螺在左文川在右
埋壁有光上貫牛斗墓道之碣為尋有多最行琢辭
來者是儀

少保戶部尚書贈特進光祿大夫太師謚忠靖
公神道碑銘

公姓夏氏諱原吉字維詰其先家于饒州曾祖復祖
希政元末為湖廣行省都事兵亂死之考時敏為湘

陰縣儒學教諭遂家湘陰公自幼端厚好學年十三
教諭公沒益知自勵母夫人廖守節教子公終父喪
即出教里塾取束脩以資養而率其二弟恭侍婉愉
得母夫人懽心出入鄉間其老長皆忘年賓禮之時
已負鉅人度喜怒不形里少年嘗被酒侮慢公里人
共擊之詈之曰汝小人不知鄉有君子耶有鬼物白
晝附人言禍福驚動里中或強公往觀卒無所言他
日復有言或問之故曰夏公端人吾不可以近公一
無所動心洪武庚午歲以詩經選鄉貢入太學遂擢
戶部前四川司主事授承直郎進承德郎曹務叢脞

凡倉庾府帑之出入簡牘之著悉有條理同官後至
於事有未通者咸以質公日環左右公雖紛冗必為
之盡心蓋人人德公如師陞戶部右侍郎授嘉議大
夫巡撫福建所過郡邑考察吏治咨訪民隱公明寬
大人咸悅服

太宗皇帝入正大統轉左侍郎逾月陞戶部尚書授
資善大夫永樂初蘇松諸郡大水命公往治發浙西
兵民十數萬疏決壅滯自松江黃浦東北以達于海
水患乃息而撫恤曲當人不言勞又撫綏其飢民奏
發廩三十餘萬石賑之散給有方民賴以濟進資政

大夫初建北京採宮殿材於東南 命公自南京抵
北京督視運送給以錦衣衛官校且 命有不率命
便宜行事公於號令中備矜恤之意人人效用

太宗巡狩北京公預扈從 命兼行在禮部都察院
事歲餘 車駕親征北虜

今上以皇嫡長孫留守北京 命公輔導庶事脩舉
京師肅然

太宗還良喜賜公鈔千緡絲幣四表裏羊酒鞍馬自
是屢奉命侍

今上有司奏公與吏部尚書蹇公歷官九載皆 賜

勅嘉獎有淳良篤實如古名臣之諭

太宗親宴之別殿無幾賜誥命追封祖考皆為資政大夫戶部尚書祖妣為夫人封母為太夫人重脩太祖皇帝實錄命公監脩書成賜鈔織金文綺衣文綺表裏北京宮殿成奉勅召

仁宗皇帝及

今上于南京

二聖喜公至賜宴勞及鈔白金鞍馬北虜復犯邊

太宗皇帝將親征公言今邊儲不足請遣將無煩六師忤旨罷官

仁宗皇帝嗣位即日復公戶部尚書公以母喪未終辭

仁宗曰國家不幸有大事正朕與卿等協心比力之時如卿以親喪辭則朕亦未當在此公乃不敢復言遂加少保仍無戶部尚書賜玉帶

今上正位東宮加公無太子少傅少保尚書二職如故賜誥命追封曾祖祖考皆為榮祿大夫少保無太子少傅戶部尚書曾祖妣祖妣皆一品夫人賜銀章一其文曰繩愆糾繆且諭公曰朕有過舉卿但具奏來以此識之朕不難於從善賜鈔萬緡御用米二

十石胡椒二百觔公感知遇之厚鞠躬小心靡或不
盡脩其文曰
太宗皇帝實錄命公監脩
仁宗皇帝崩時
今上監國南京至則喪禮及即位之儀皆具皆公一
二人所預定
上既嗣大位公以舊輔尤重倚注公亦孜孜惟謹寵
賚日盛脩
仁宗皇帝實錄仍為監脩庶人高煦反
上親率六師擒之公預扈從還賜白金文綺等物甚

厚賜銀圖書一其文曰含弘貞靜蓋褒公之德云明
年扈從巡邊既還

上念少師蹇公及公等四人者皆春秋高欲優逸之
賜勅嘉勞命輟職務而仍其祿朝夕侍

上備顧問謀議而恩遇益厚

兩朝實錄成賜白金織金羅衣文綺表裏鞍馬賜宴
明旦入謝暮歸第得疾遂薨宣德五年正月廿七日
也壽六十有五歲

上聞訃震悼遣禮部尚書胡濙賜祭贈特進光祿大
夫太師賜謚忠靖賻鈔萬緡勅有司營喪葬官其子

瑄為尚寶司丞仍復其家朝臣自公侯貴戚下至郎
曹將校咸往弔祭衛卒巷氓亦有嘆息至流涕者公
天性至孝友其弟原啓原禮皆厚原啓沒愛其子如
子讀書鄉校時教諭史九韶雖非授業師遇之必拜
雖貴不變既貴九韶陞教國子月恒分之祿九韶將
老朝廷從公請命致事公與人交久而敬平生故
人在患難率賜給之遇士之貧者振之有顛躓失所
者援之德雖微必報而未嘗存怨惡心接人溫然處
事善善長而惡惡短襟宇靜深閎廓不見涯涘嘗有
從隸汚公金織賜衣懼欲逃者公曰汚可浣何懼為

有吏壞公所寶硯石匿不敢見公召吏諭之曰物皆
有壞吾未嘗惜此慰遣之於時卿大夫雅量推公第
一知者蓋比公於王子明韓稚圭之度其在

上前所言必歸仁厚臨政必酌大體其預宥密雖泯
然無迹蓋有陰受其德者矣故不聞貴賤䟽戚識不
識皆知其為善人長者喜為詩四方士重公名得其
一篇一詠箴以為榮公配鄭氏有賢德再封皆夫人
子男三琬瑄瑾女一嫁虞瑀琬與虞氏女皆先卒公
卒之三月歸塋湘陰其家以墓碑屬余余與公同
朝三十年晚益親厚相知又嘗為余道其平生余豈

意遂志公之墓耶銘曰

沂夏厥初以國爲氏衍于會稽綿綿厥系太末之邑
後來徙居暨唐中和復徙于番懿夏之世逢掖其服
詩書有承德善有績轉鄂而潭自公祖考積厚必發
公奮起紹燕歌鹿鳴來與計偕官任其賢政用其才
繇司徒屬暨掌邦教寅恭小心寬仁允蹈叅決大議
洵任重負不亟不徐雍容雅度如彼喬岳截焉弗移
其氣默運澤潤良多祇事

列聖既四十載夷險一道其烏凡凡國有老成堂
有枉石胡不勅遺當宁興惻既榮且哀隆隆寵光

於乎忠靖沒世不忘

奉天靖難推誠宣力武臣特進榮祿大夫柱國
太保陽武侯追封鄴國公謚忠武薛公神道碑

銘

宣德五年五月太保陽武侯薛公奉命城隆慶永寧
赤城獨石竣事將歸以疾聞

上遣中官以御醫往視且賜勅諭勞至京猶力疾入
見

上慰諭再三旣歸第日賜御藥遣中官臨問無幾竟
不起七月廿三日也訃聞

上震悼親為文祭之追封鄆國公賜謚忠武詔有司
治喪葬凡喪葬之儀皆優等蓋特恩云公諱祿姓薛
氏世家山東膠州之新興社會祖考諱安妣劉祖考
諱大妣金考諱遇林妣張公兄弟六人而公第六自
少傑持有大志未冠籍戎伍上官皆竒之從北征金
山及哈刺哈之地又從征迤都山乃兒不花等處自
是屢出西北二邊涉萬里而還

太宗皇帝舉兵靖內難公首從義旗攻九門克薊州
遵化援密雲攻雄縣追敵漠州咸奮勇先驅以一當
百戰真定公生擒敵左副將軍駙馬都尉李堅超陞

燕山右護衛指揮僉事賜白金文綺從援永平攻下
大寧富峪會州寬河時南兵已圍北平城公還先遇
其哨騎薄戰敗之車駕繼至從戰鄭村塢敵大敗

陞指揮同知從克廣昌蔚州攻大同率兵前哨獲敵
人馬遂從南征大戰白溝河追奔至濟南陞指揮使
從克滄州大戰東昌公以五十騎前哨遇敵兵數百
與戰敗之獲馬三十餘疋敵悉衆來追公復奮戰大
敗之獲馬二百餘匹敵於威縣及深州伏兵以要旋
師皆擊走之從戰夾河大捷戰滹沱河右軍力屈公
率衆馳赴之出入敵陣數十合戰敵敗走公追至夾

河斬馘無算獲馬五百餘匹明日戰單家橋公馬蹶
為敵兵所得拔刃斬敵兵復上馬督戰遂敗敵將平
安軍以次攻下順德大名彰德及攻西水寨公生擒
敵都指揮一人斬獲尤多從攻東阿東平汶上皆下
之繼戰泲河大店小河汴隄靈壁率勇先諸軍遂渡
淮渡江從車駕入京師

太宗皇帝為臣民推戴既正大位論功行賞陞驃騎
將軍後軍都督府都督僉事以其官秩贈三代永樂
六年陞都督同知八年從車駕北征至玄溟河以
功進榮祿大夫右軍都督府右都督兼左軍都督府

事以其官秩加贈三代時四方選至幼軍數萬悉命
隸公操習十二年從車駕北征十五年初建北京
宮殿命公董營繕十八年成加奉天靖難推誠宣力
武臣特進榮祿大夫柱國封陽武侯食祿千五百石
追封其三代皆侯爵賜誥券二十一年從車駕北
征還奉命討捕湖州叛寇二十二年復從車駕北
征是年八月

仁宗皇帝嗣大位加公太子太保子孫世襲侯爵奉
命巡北邊遼虜寇雲州公率兵追至大松嶺斬獲甚
衆事聞賜勅嘉獎遣中官及鴻臚卿即軍中勞之

既還賜白金鈔幣加歲祿五百石洪熙元年佩鎮朔
大將軍印率師巡北邊宣德元年庶人高煦反車
駕親征命公為前鋒先二日圍其城罪人既得留公
撫綏城中軍民還賜銀幣甚厚明年秋從車駕巡
邊出會州解后虜寇塞下與戰敗之生擒其酋斬獲
其餘衆遂鎮薊州永平冬還賜銀幣加厚四年率師
護兵餉開平者再五年春佩鎮朔大將軍印巡邊至
竒黃嶺遇虜拒戰悉斬之盡收其家口孳畜陞太保
賜鈔幣居三月董築城之役蓋從公之言以便戍守
公平居無事未嘗忘危每計邊務言之亶亶或謂其

瑣屑者終不為變蓋其志奉國惟恐不盡為將勇智
無備常先事籌畫用心之至以夜繼日故所嚮成功
未嘗敗北間一二臨陣中矢石褭創赴鬪有進無退
其率師所過紀律嚴明秋毫無犯而撫卹士卒人人
歸心若董繕作規置有方力不煩費功率堅久人亦
罕及蓋一代之興必有一代之臣公祇事

三聖涉歷多用志篤鞠躬盡瘁以效臣職故能建功
國家流光簡冊致身貴富垂慶後昆其非古名將之
流而今之不可多見者歟公壽七十有三年其配李
累封至侯夫人子男三長勲先卒次某次某孫男三

長誠先卒次某次某以是年十月三日葬公于某鄉
某原銘曰

明聖之興有命自天必有輔翼名世之賢氣機翕會
雲龍風帟有勲有烈左文右武桓桓薛公始奮從義
大呼迅馳金戈鐵騎智明幾先勇蓋萬夫疇其膺之
折朽摧枯 宗社載安功書冊府在

帝左右股肱心膂公於事

上一誠不貳知竭臣職死且無怠公於馭衆有紀有
綱撫如春和令如秋霜歷事

三聖麟衣蟬冠廷有老成 國有屏翰丹書鐵券傳

聶來裔公如長城曷不百歲英靈升遊九原在此太
史作銘式昭無已

史記卷之十二
新本齊公吹長...

東里文集卷之十三

神道碑

奉天靖難推誠宣力武臣特進榮祿大夫柱國
前軍都督府左都督永康侯追封蔡國公謚忠
烈徐公神道碑銘

公諱忠字仲達姓徐氏世家廬州之合肥父諱用元
李守宣城我

太祖皇帝兵至宣率眾歸附命仍其職遂從征討以
功實授管軍百戶從守南昌進武畧將軍河南衛副
千戶洪武壬戌自陳老疾命公代之丁卯從征北虜

至哈刺哈之地還城大寧無幾調大寧備禦戊辰從
征金山之虜之為邊患者屢戰敗之獲其馬牛輜重
賜白金鈔幣庚午運兵饒數十萬斛赴溫口遂從征
乃兒不花大敗虜衆俘獲其人口萬餘總兵遣公護
送入關公悉心撫卹俘者如歸陞濟陽衛世襲指揮
僉事乙亥城懷安萬全丙子率兵從征北虜至驢駒
河而還丁丑往填開平己卯

太宗皇帝舉靖難之師公首從義旗克密雲克雄縣
真定取永平克大寧還戰鄭村埧取廣昌薊州戰白
溝河皆奇功進攻濟南克滄州大戰東昌及夾河攻
彰德破西水寨克東阿東平汶上大戰靈璧遂從渡
淮及江至京師公臨戰奮勇百夫莫當出入敵陣率
在衆先白溝之戰敵揮刃斫公兩指未殊公自斷指
擲地裂衣帛裹創仍奮進戰其馭士卒撫卹誠至人
人歸心而號令嚴明所過無擾

上行師恒飭諸將毋妄殺曰吾奉天弔民厲民違天
何望有濟公承命惴惴惟執兵迎拒者不容而誘諭
招徠綏撫降附多效力焉其以功進官自指揮同知
歷都指揮僉事授奉天靖難推誠宣力武臣特進榮
祿大夫柱國前軍都督府左都督永康侯食祿千一

百石子孫世襲賜誥券追封曾祖六二祖七九及考
皆永康侯曾祖妣陶祖妣王妣張皆永康侯夫人永
樂己丑暨癸巳車駕巡狩北京

仁宗皇帝監國

上以公敦厚老成留之南京兵政一以任公公小心
寅畏清靜簡易上下咸宜之一日夙興盥櫛衣冠坐
都督府得風疾遽卒癸巳八月二十四日也
上在北京聞訃震悼輟視朝一日遣官賜祭給賻命
有司治喪葬追封蔡國公謚忠烈并加封其三代考
皆蔡國公妣皆蔡國夫人配亦蔡國夫人

仁宗皇帝在東宮遣祭賚賜甚厚公沉毅質恪有孝
行旦暮出入必先詣家廟事繼母敬愛燕至小有訓
責必跪受雖貴不變所得

上賜必謹視之約己守法未嘗有過接人恭謙和氣
滿容語簡而誠洞見底裏春秋五十有二而卒卒之
歲十一月二十七日葬江寧縣安德鄉長岡之原子
男二安山壽安襲侯爵女二長適指揮使孫竑次適
沐儼安奉國子祭酒貝公泰所述事狀求文刻神道
之碑士奇與公同朝十有餘年後同侍監國相
厚知公之行加詳故為序而銘之銘曰

桓桓徐公為時虎臣龍家之勲奮武以振天啓
聖明義旗爰舉挺誠來從股肱之輔皇麾所指公
迅前驅誰抗誰禦拉朽折枯神武不殺公行
聖志來迓來歸撫綏勤至仁施如春義行如秋公實
左右威懷並流艱危既安氛翳咸廓宗社再隆褒
功命爵悃悃無譁厚重靡遷貂蟬充庭孰愈公賢
鑾輿北狩聖儲監國峙武以衛孰優公德肅肅小
心溫恭靖嘉歸焉老成為國之華維孝維忠在公允
蹈宜貴宜富曷不耆耄都門之南幸崇起墳過者下
車眎茲刻文

贈資善大夫都察院右都御史兼詹事府詹事

向公神道碑銘

洪武二十四年十月十一日南昌之進賢處士向公
允恭卒其葬也前江西儒學副提舉熊釗先生銘之
後三十有四年為洪熙元年

天子推恩大臣時處士之子寶為資善大夫都察院
右都御史兼詹事府詹事遂贈其祖若考散官官皆
如寶祖妣妣皆夫人寶奉命書薦告已退具其考之
事狀以告士奇曰惟

上之大賜與先考所以身致今之光榮者皆不敢以

泯幸爲之文將刻石墓道以永示我後人按狀向宋
左僕射同平章事謚文簡諱敏中之後文簡曾孫子
蔚以欽聖憲肅皇后家從高宗南渡其子性事孝宗
官至大中大夫封魏國公贈少師少師生朝奉大夫
士煜朝奉生臨川縣丞公道娶進賢許氏因葬其父
進賢遂家焉臨川四世至居敬娶胡氏生熙載熙載
娶羅氏生雲翔雲翔娶章氏公之父母也自公以上
三世皆有厚德不志榮利而家秉禮度肅然他之名
世族者不及也公諱祖紹允恭其字幼聰慧七歲讀
書涉通大義且強敏善紀其事父母孝愛其弟厚賞

業恣所取弟死無子選族子爲之嗣其於人調窮乏
矜憫無告恒汲汲嘗歲歉鄉芋死甚衆時田麥且熟
有盜刈之者公得盜及麥不忍發或教公執盜送官
當併得其田廬公曰凶年民果得已爲盜耶且困人
於厄而奪其所有吾所不能人以是服其長者國初
安仁土豪楊漢旣以饒信建昌內附而其下所過猶
縱剽攷厲民公隣人陳氏無子唯一女始笄爲所剽
父母痛憤然莫敢誰何公毅然以其人訴行省卒還
之所爲義舉多類此里宴會有暴發少年倚賞鉅不
讓直入據上座公怒戟手數其過切責之少年慚懼

趨降請謝公亦改容懽遇之蓋公襟宇洞達遇義所
不可剛正直奮不畏彊禦而彼能改過即霽顏開納
無所疑滯焉人有忿爭不相下率走公求直平生好
德樂義邪僻之念不作於心非法之言不出諸口閒
居儀貺儼肅子弟侍側者皆謹自飭如侍嚴師不敢
稍縱寶始就學勵之曰立身必以儒及仕又曰守官
必以道寶嘗坐累逮繫公不色憂有以爲問者曰吾
兒所存心行已當遠大此不足爲累至今鄉人號明
知子者必推公益春秋七十而卒會葬千有餘人斯
亦可以觀其行矣夫人熊氏邑儒家子有孝敬儉勤

之德所以爲婦爲母者族姻蓋視以爲法先十八年
卒子男一即寶女二長適王次適熊皆先卒孫男五
劉孫早卒可觀可規可觀可寬女四曾孫男一寶洪
武乙丑進士兵部主事員外郎應天府尹以至于今
官歷事

列聖四十有餘年恭慎之行冰蘖之守寬厚之施夷
險一致語云魯無君子斯焉取斯要其本諸家者深
矣銘曰

顯顯宋臣曰向文簡扈蹕來南向以戚畹逮臨川丞
啓家進賢繩繩振振式繁子孫有閭高門有嚴禮度

居處執恭出入秉序世德之承誦法鄒魯進賢七葉
曰允恭甫維允恭甫外方內仁志之所存惠逮于民
其潜在下隨所分力民之懷之孰匪厥德其嗣奮揚
熙帝之載推考之志而施逾大

帝曰俞哉覃澤所自龍章褒敷日星輝嚴豸冠犀釐
靈颺翼驟歲時薦祀來蒞來歆行有報施茲維德名
墓道琢辭來世是告

奉天翊衛推誠宣力武臣特進榮祿大夫柱國
追封平江侯謚恭襄陳公神道碑銘

太宗皇帝初自北藩靖內難至江上都督陳公瑄具

舟迎濟內難平

上正大統錄功賜公奉天翊衛推誠宣力武臣特進
榮祿大夫柱國封平江伯賜誥券陳氏家合肥其先
世具余所著其先公墓碑公字彥純自少穎敏不凡
好善惡惡內篤孝行洪武中侍父官成都習兵畧精
騎射以武臣子選侍大將嘗從出郊遙望孤鴈襍鷺
群命衆從者射不中最後命公發一矢斃之有鴟翔
于上命公射應弦而墜自是屢試皆奇中衆大服而
公不自為能 朝廷命總兵者作蜀府宮城遣將伐
材於山所行失律且材不中度又所經瘴地士多死

總戎察公可用遂命之公善撫綏明號令別取善道
七百里以入先期而還士不病所得材皆適用總戎
者嘉之又命董繕作具有條理遂從征南番宕州中
亭及散毛鎮南咸建勞績代父職為成都右衛指揮
同知父坐舊累謫戍遼陽公伏闕奏請代行特詔父
子並免復職衛卒數輩饕餮狙詐挾制上下為衆患
公次第悉去之善類以安從征越雋討建昌酋長月
魯帖木兒踰梁山平天星寨破寧番諸蠻駐西河口
諭降夷人數千從總帥復征鹽井平三山寨及小伯
夷進攻卜木瓦寨據要害立堡以斷賊路官軍分三

隊進公居中已而左右兩隊弗支奔還公所統僅百
餘人冒險先登賊數千圍公公下馬率衆且射且斫
賊疲稍却分亦傷足果劄進戰自己至酉賊敗走公
全所統而還復從征餘寇賈哈刺時寇衆數萬據嶮
以拒官軍公三道公軍後進由番西涉打中河得間
道乃出奇兵作浮梁渡河既渡撤梁以固士志遂壓
寇境寇憑嶮迎敵一日十三戰奪其嶮明日復力戰
凡七合寇大敗逐入其壘簡銳卒出哨令望見前軍
旌旗即舉砲俾知己敗寇仍遣五百軍斷寇走路寇
窮出降械送賈哈刺京師撫輯其餘衆公及麾下加

被陞賚從蜀獻王巡邊招撫邊夷兼理茶馬之政邊
人悅戴灌口都江堰壞民苦水患公脩其隄防躬督
工作為堅久計矜恤無告出貲置義田二百畝於成
都積所入租凡貧不能衣食不能婚嫁及死不能斂
葬者皆給之會雲南兵征百夷以功陞四川行都司
都指揮同知遂進右軍都督府都督僉事

太宗皇帝知公才可任時北京軍儲不充命公歲董
運百萬石道海給之公措置井井剏建百萬倉於直
沽尹兒灣城天津衛籍兵萬人戍守公善任使均勞
逸秋豪無取於下凡漕途姦弊掃滌一清漕舟所經

四海率先款服曾不踰世終梗寇盜天地之德務隆
包荒累誨弗峻肆急援溺仁義之旅弔伐並行恩威
所臨有迎無拒累月之頃肅清兇慙大拯塗炭弘復
疆土功德俊茂振古無倫焉惟古帝王施德建功皆
有頌歌傳播後世臣忝列從臣後輒擬古作者之意
謨平安南詩一首以示後來謹拜手稽首上進詩曰
惟天生民咸俾遂適有攸弗及肆命有德惟德格天
為君為師以教以治俾適咸宜天啓 皇明悉昇所
覆明明

太祖生育教誘衣之食之邇安遠歸禮昭義布長幼

尊卑

皇帝繼統四方萬國益富而教和豫安遒最爾蠻交醜孽其間為狼為豺小大畢殘天皇曰彼醜匪異人類庶或改率予其化誨誨言諄諄弗遷益驕戕暴厥鄰盜我邊郊百辟文武頽伏陛言弗時翦屠將俾蔓延皇曰申誨猶或改率弗改弗率跳梁狂獯偽恭籲命賊我使人暨彼遺孽磔身百分皇曰彼醜獸心靡易螟蟠弗除曷遺嘉稷惟皇上帝付予八埏有溺弗援予滋違天誕命將臣暨旅師徒往勵汝勇往宣汝謨咸弔困窮殲惟醜虜職敷予仁匪曰究武

海島夷人畏憚官軍悉閉匿公下令俾出為市而遣官監臨平其直軍無敢譁人兩便之舟還值倭寇劫沙門島公率眾追至朝鮮境上焚寇舟殆盡寇以殺溺死者甚眾奉命率舟師於閩海備倭寇者三海溢坍沒隄岼起揚之海門歷通秦北至鹽城凡八百里奉命以四十萬卒修之航海至者茫洋莫知所停泊往往膠淺公於太倉相可泊處以二十萬卒築高丘二十丈延亘十里為表識眾便之稱寶山事聞上親製文樹碑焉既建北京罷海漕浚濟寧臨清河通南北往來仍屬公董餉運公建議造淺艦二千艘

初歲運二百萬石爲之有方後增至五百萬石國用以足若疏清江浦引水由管家湖入鴨陳口達淮以免淮河風濤之患就管家湖築隄亘十里以便引舟浚儀真瓜洲二埧潮港之埧鑿呂梁徐州二洪巨石以平水勢築沛縣刁陽湖濟寧南望湖長隄開秦州白塔河通大江築高郵湖隄內鑿渠亘四十里以通舟南北造梁以便陸行自淮至臨清相水勢高下建埧四十有七以時啓閉皆舟楫通行永遠之利於淮濱作常盈倉五十區以貯江南輸稅於徐州臨清通州皆建倉以便轉輸慮漕舟昧河深淺自淮底通爲之果

仁宗皇帝初臨御下詔求言公首言七事大槩謂南京國之根本宜爲久遠鞏固之計選將益兵以嚴守備長民長兵皆宜擇賢能然後政舉而下不失所賢能在推舉推舉在覈實乞選朝臣之公正者分巡天下考察百司政事得失進廉能黜貪鄙則官得人而治可興今府州縣學教官多不得人乞令風憲考察罷黜別選今中外軍伍多缺蓋由所管頭目私役擾

害不勝致其逸逸乞勅都府兵部都司嚴切禁約就
行清理老疾者令戶丁代逸逸者責限追捕戶絕者
驗實除豁伍籍又邊防之要在兵食足近歲如開平
等處城不足兵兵不足食所守何由完固乞選武臣
之有方畧者授以精兵足其衣食給之堅利器械俾
日教習如有沃壤令蕪務耕守今漕運惟江西湖廣
浙江及蘇松諸郡去北京甚遠漕河又有洪腫淺凍
之阻往復踰年襍費數倍正糧上逋公租下妨農務
乞自今令運於近便淮安徐州等處收貯別令官軍
運至北京則民力可蘇農務不妨各處官軍每歲漕

運畢財力殫乏到家又脩理壞船運來歲糧勞勤可
憫其所管頭目又加別役以重困之乞行禁約今後
漕運軍士不得再有別役馬船快船惟二三百料者
可行於漕河所載不過五六十石每船已有額設水
夫今又於緣河拘集軍民聽候其至接遞聽候日久
衣食艱難有至行丐者乞自今罷之

上覽奏嘉嘆命有司咸即施行賜勅獎諭有老成忠
愛之誠之褒加之重賚賜誥追封其曾祖省三祖重
一考聞皆平江伯曾祖母孫祖母朱嫡母王生母王
故妻湯皆夫人命子孫世襲

宣宗皇帝臨御命公鎮守淮安兼督漕運公至察宿
弊之爲民厲者悉革之豪猾姦宄皆斂避境內以寧
時已嬰疾而躬勤旦莫靡有滯事疾間入 朝深被
嘉勞賜宴賚還至淮安無幾疾復作

上聞特勅勞問時子儀在侍衛令挾醫馳驛往侍竟
薨宣德癸丑十月十一日也春秋六十有九計聞
上悼嘆輟視朝一日追封平江侯謚恭襄賜祭命工
部營葬公爲人閭粲英毅弘度偉畧稠人廣會譚論
亶亶倫輩推服公餘披閱載籍考知往古成敗治亂
之故喜近逢掖士時相講議善交際能推利爲義所

至以濟人爲心多所建置人用德之不忘家有樂善
堂恒舉鄒孟氏仁義忠信樂善不倦之語以勉子孫
配某氏封夫人子男五佐鬯平江伯後公數歲卒次
儼次儀今爲勲衛好文事精武畧次倫次侃女三李
芳江陰衛指揮同知張英其壻也一未行孫男三裕
今鬯平江伯祐裸女七公葬以薨之明年三月墓在
江寧縣大山之原余與公同 朝三十餘年相知且
好於是儀以狀求著神道之碑故按狀叙而銘之銘
曰

繫公挺出何桓桓武兼勇智追前聞材藝夙試卓寡

倫莪冠三品承考勲蠻谿撩峒獫獨群負嶮弗擾寧
且趨公奮掃刮迅拔塵湔滌腥穢寧邊民有截譽望
齊峨岷歛徵來東衛宸垣遭承興運效駿奔錄勞疏
封昭鴻恩貂蟬擊玉衣繡麟報賜志企古蓋臣單心
畢慮靡夕昕滄溟茫洋渺涯濱歲漕萬艘奄然臻有
梗于海威共震斬鯨戮鱷焚甲鱗崇表海岫亘長雲
雲章龍彩天垂文南賦北貢艱以辛踰淮歷濟底天
津疏堙鑿堅劬且勤坦行如砥戚者忻猗嗟公篤孝
與仁厥施諸時績弗泯愛國亦有嘉謨陳功載冊府
被後昆大江之陽歸有墳太史銘之昭不刊

故驃騎將軍左軍都督府都督僉事王公神道
碑銘

正統四年八月十七日左軍都督府都督僉事王公
瑜以疾終于通州之驛館計聞
上悼惜遣禮部尚書賜祭加賻勅有司治喪葬京師
親王遣祭公侯六卿皆詣弔祭既葬其子縑經奉其
弟瑄所述事狀踵門泣拜求書墓道之石余爲之歎
曰忠義爲臣之大節如玉公之挺特獨奮忘其身以
爲

宗社計豈非卓然大丈夫哉公字廷器始代父長五

十夫選隸趙簡王護衛永樂癸卯五月
太宗皇帝微不憚數日未出見群臣

仁宗皇帝在東宮軍國政務悉啓聞施行邪僻傾險
之徒不得騁其私咸所不便簡王時留北京敬修孝
弟其護衛指揮孟賢等十數輩潛結曆官王射成等
及內侍養子共搆邪謀欲俟 宮車晏駕矯詔從中
出立簡王而已得志焉實秘不令簡王知蓋慮不從
即事敗蓄粉而尸其謀者公姻家高以正布置已定
高密以語公公駭曰此天壤間極惡大罪鬼神所不
貸者柰何甘為覆家滅祀計高不聽又涕泣戒之高

怒而慮其泄也謀害之遂詣闕入疏
上覽之初疑其詐緩曰豈應有是反覆詰難衆為公
危公辭色不少挫既捕賢等至

上親問狀得其邪謀本末及所造僞詔立誅以正射
成及內侍養子陞公遼海衛千戶後賢等皆伏誅召
還又陞懷遠將軍錦衣衛指揮同知有 旨戒其同
官事必關白瑜勿謾公正直坦明每事求當大體所
隸官校心歸之無間言見知於

上宣德中陞都指揮僉事命署左軍都督府都督僉
事充左副總兵佩漕運印總督江南民賦之輸北京

者兼守淮安正統初實授驃騎將軍左軍都督府都督僉事在淮安承平江伯之後謹守其遺法不變展誠布公虛已從善處同官能讓淮安兵民雜處橫兵素怙勢厲民公至首下令禁戢為政重倫理有富民親在而與弟競產訴於公者公曰尔富而委親之養於弟而又訟弟孝友二行皆缺矣杖而斥之人服其明臨政務寬有二卒盜敗舟一板梟司坐盜官物抵死以質公公曰兩卒之命抵一敗舟板耶改坐不應平恕多類此好以義感人有婦翁以白金畀贅壻為市取息者壻不善市不能償索之急欲自經翁執以

告又有自顯官歸資橐豐厚其弟有宿逋貧不能償索逋者急弟乞償於兄纖芥不得公聞之皆為代償荒歲發廩多所賑活嘗覽農桑撮要嘆古人用心民事遂益其所未備者十數事刻梓以傳滇南有浮圖人鼓其師之說所至惑民淮安典兵者與之暱為建刹居之而廣斂地為民厲公嘗浮圖人逐之悉復民地淮人死不葬焚屍而委於水公相城外多空地面民以葬遂革焚屍之俗築室所居之側延師以訓武臣子弟間暇躬往督勵如己子弟然亦時蒞郡縣學敦勉博士弟子喜近儒生時與講論前言往行至忠

義事慨然有嚮慕意若涉悖亂即義形於色家居敦
孝悌之行仁其族姻周且厚所至以愛人爲心雖貴
嚴於自守於利不一豪非分取服用清約門無私謁
致勤於公雖病不廢至是以計事詣北京力疾入見
又明日出視漕舟竟不起享年五十有七公山陽人
其先見余所著其考墓文曾祖文貴祖彥達父銘母
成氏繼茹氏 朝廷推恩以其官品贈二代并封其
元配許繼吳皆夫人子男五墳均塹塾堪女一未行
其墓在宛平縣狼山村之原銘曰
人道所重綱與常忠義寔關世範防偉公志勁百鍊

錫上衛

宗社尊

天王挑摘姦宄發潛萌狐虺斬馘妖魅黻嘉忠褒貞
騰寵章簡廉任能升周行攄勤效智挺厥誠惠流績
建譽孔揚大星俄隕吁可傷榮哀始終炳煌煌我我
崇丘斯永藏龍泉下闕含精光升賁牛斗逝不亡

一
 二
 三
 四
 五
 六
 七
 八
 九
 十
 十一
 十二
 十三
 十四
 十五
 十六
 十七
 十八
 十九
 二十
 二十一
 二十二
 二十三
 二十四
 二十五
 二十六
 二十七
 二十八
 二十九
 三十
 三十一
 三十二
 三十三
 三十四
 三十五
 三十六
 三十七
 三十八
 三十九
 四十
 四十一
 四十二
 四十三
 四十四
 四十五
 四十六
 四十七
 四十八
 四十九
 五十
 五十一
 五十二
 五十三
 五十四
 五十五
 五十六
 五十七
 五十八
 五十九
 六十
 六十一
 六十二
 六十三
 六十四
 六十五
 六十六
 六十七
 六十八
 六十九
 七十
 七十一
 七十二
 七十三
 七十四
 七十五
 七十六
 七十七
 七十八
 七十九
 八十
 八十一
 八十二
 八十三
 八十四
 八十五
 八十六
 八十七
 八十八
 八十九
 九十
 九十一
 九十二
 九十三
 九十四
 九十五
 九十六
 九十七
 九十八
 九十九
 一百

東里文集卷之十三



